



Changes in cotton growing in the Fergana region at the end of the XIX – beginning of the XX century

Abdulkhodi KHAYDAROV¹

International Islamic Academy of Uzbekistan

ARTICLE INFO

Article history:

Received October 2022

Received in revised form

10 October 2022

Accepted 25 November 2022

Available online

25 December 2022

Keywords:

Turkestan General
Government,
Ferghana Valley,
agriculture,
cotton growing,
cotton fiber,
American variety.

ABSTRACT

This article discusses the changes in cotton growing in the Fergana region in the late 19th – early 20th centuries, in particular the situation in agriculture during the period of the Turkestan Governor General, and the change in the attitude of the local administration to cotton growing. The article describes the introduction of a new American cotton variety to Middle Asia, the expansion of land allocated for cotton fields, and issues such as the impact on the current situation in the Ferghana Valley were considered. Also, with the help of sources, the economic changes associated with the increase in cotton crops in the Ferghana Valley, the emergence of cotton processing firms and various societies, and their attempts to take control of cotton production are analyzed.

2181-1415/© 2022 in Science LLC.

DOI: <https://doi.org/10.47689/2181-1415-vol3-iss6-pp15-20>

This is an open-access article under the Attribution 4.0 International (CC BY 4.0) license (<https://creativecommons.org/licenses/by/4.0/deed.ru>)

XIX аср охири – XX аср бошларида фарғона вилоятида пахтачиликдаги ўзгаришлар

АННОТАЦИЯ

Калит сўзлар:

Туркистон генерал-
губернаторлиги,
Фарғона водийси,
қишлоқ хўжалиги,
пахтачилик,
пахта толаси,
Америка нави.

Ушбу мақолада XIX аср охири – XX аср бошларида Фарғона вилоятида пахтачиликдаги ўзгаришлар, хусусан, Туркистон генерал-губернаторлиги даврида қишлоқ хўжалигидаги ҳолат, маҳаллий маъмурият томонидан пахта етиштиришга бўлган муносабатнинг ўзгариши, Ўрта Осиёга янги Америка пахта навининг кириб келиши, пахта майдонлари учун ажратиладиган ерларнинг кенгайиб бориши жараёнининг Фарғона водийсидаги мавжуд вазиятга таъсири каби масалалар кўриб чиқилган.

¹ Head of the Education Department of the Namangan region of the regional branch of the Qualification Center at the International Islamic Academy of Uzbekistan. Namangan, Uzbekistan. E-mail: urakov.d.nuuz@gmail.com.

Шунингдек, Фарғона водийсида пахта етиштиришнинг кўпайиши билан боғлиқ бўлган иқтисодий ўзгаришлар, пахтани қайта ишлаш фирмалари ва турли жамиятларнинг пайдо бўлиши ҳамда уларнинг пахтачиликни ўз назоратига олишга уринишлари манбалар ёрдамида таҳлил қилинган.

Изменения в хлопководстве Ферганской области в конце XIX – начале XX века

Ключевые слова:

Туркестанское генерал-губернаторство, Ферганская долина, сельское хозяйство, хлопководство, хлопковое волокно, американский сорт.

АННОТАЦИЯ

В данной статье рассмотрены изменения в хлопководстве в Ферганской области в конце XIX – начале XX вв., в частности положения в сельском хозяйстве в период Туркестанского генерал-губернаторства, изменение отношения местной администрации к хлопководству. В статье описаны интродукция нового американского сорта хлопчатника в Среднюю Азию, расширение земель, отведенных под хлопковые поля, рассмотрены такие вопросы, как влияние на текущую ситуацию в Ферганской долине. Также с помощью источников анализируются экономические изменения, связанные с увеличением посевов хлопка в Ферганской долине, появлением хлопкоперерабатывающих фирм и различных обществ, их попытками взять под контроль производство хлопка.

Фарғона водийси азалдан деҳқончилик маданияти ривожланган ҳудудлардан бири ҳисобланади. Водий халқи турли хил қишлоқ ҳўжалиги маҳсулотлари етиштириш бўйича етарлича тажрибага эга бўлган. Хусусан, пахта етиштириш ҳам деҳқончиликнинг асосий йўналишларидан бири бўлиб, XIX аср ўрталарига қадар асосан ички эҳтиёжлар учун етиштирилган. Шунинг таъкидлаш керакки, пахта етиштириш Туркистоннинг бошқа ҳудудларига қараганда Фарғона водийсида кўпроқ ривожланган эди. Чунки ҳосилдор тупроқ, илиқ кунларнинг кўплиги, сахий кўёш ва унинг нурларининг интенсивлиги пахта етиштириш учун жуда қулай шароитларни яратган. Шу билан бирга, маҳаллий аҳолининг меҳнаткашлиги, турли табиат синовларига бардошли бўлиб, сабот билан меҳнат қилиши пахтачиликдан юқори ҳосил олинишини таъминлар эди.

1878 йилда Фарғона вилоятининг ўзида экин экиладиган майдонларнинг 10 фоизигагина пахта экилган бўлиб, ундан келган фойда эса барча экинлардан келадиган даромаднинг 5-7 фоизини ташкил қилар эди, холос [9. Б. 36.].

Россия империясига Америкадан келтириладиган пахта миқдорининг камайиб кетиши мустамлака маъмуриятини ўлкада пахтачиликни ривожлантириш борасида қатор чора-тадбирларни кўришга ундади. Маҳаллий (жайдари) пахта навининг сифати унчалик яхши бўлмаганлиги сабабли, янги Америка (маҳаллий халқ тилида “амиркон”) пахта нави жорий қилина бошланган. 1884 йилдан бошлаб Америка пахта навлари катта ҳудудларга экила бошланган. Минтақада 1887 йилда пахта экилган жойлар 49,224 десятина ташкил қилиб, Америка пахтасини экиш кўпайиб борган. Шу йили қуйидаги пахта ҳосили йиғиб олинган:

Америка пахтаси – 23.054 пуд;

Маҳаллий пахта – 749.541 пуд.

Жами – 772.595

Бундан Россияга 300.278 пуд, 2.101.946 рубль миқдоридагиси юборилди [1. Б. 3].

Дарҳақиқат, водийдаги мазкур хом-ашёнинг ярми марказ шаҳарларидаги тўқимачилик марказларини таъминлашга хизмат қилган.

1890 йилги маълумотларга кўра Фарғона вилоятида қуйидаги миқдорда пахта етиштирилган [2. Б. 18].

	Экилган майдон	Ҳосил
Америка пахта нави	33492 десятина	1771991 пуд
Маҳаллий пахта нави	18640 десятина	366631 пуд

Юқорида таъкидланганидек, йилдан-йилга экин майдонлари ҳам ортиб борган. Вилоят статистика бўлими ҳисобларига кўра, (1892 йилги маълумот) Фарғона вилоятида кейинги 3 йил ичида пахтачилик кўпая борди. Буни қуйидаги маълумотлар тасдиқлайди:

Уездлар	Экилган уруғ майдони(десятина)		Етиштирилган ҳосил (пуд ҳисобида)	
	Америка	маҳаллий	Америка	маҳаллий
Марғилон	5428	5793	162840	161200
Қўқон	1300	9500	29900	190000
Андижон	11106	2996 3/4	388710	104895
Наманган	9026	4591	496215	206961
Ўш	680	275 1/2	13600	7173
ҳаммаси	27530	23156 1/4	1091325	670209

Пахтачилик соҳаси ҳукуматга катта фойда келтира бошлади. Жумладан, 1 десятина ерга экилган Америка пахтасидан ялпи даромад 50 рублдан 120 рублгача, маҳаллий эса 20 рублдан 60 рублгача ташкил қилган.

Соф даромад эса 1 та десятинадан Америка пахтаси, 25 рубдан 70 рублгача, маҳаллий навлар 10 дан 35 рублгача тенг бўлган. Ёки 577.500 пуддан 5.300000 рубль фойда қолган [1. Б. 5].

Пахтачилик Фарғона вилояти қишлоқ хўжалигида асосий ўринни эгаллаган ва йилдан-йилга пахтани етиштириш миқдори ортиб борган. 1896 йилда пахта майдонлари 128,716 деяртинани ташкил қилиб, 1895 йилгига нисбатан 19,025 десятинаяга кўпроқ бўлган. Ўз навбатида пахта ҳосили 6,609,000 пудни ташкил қилиб, бу ўтган йилгига нисбатан 1 155 000 пудга кўпроқ эди [3. Б. 6]. Шу билан бирга йилдан-йилга пахтанинг Америка нави экиладиган майдонлар ҳажми ортиб боради. Хусусан, 1904 йилга келиб, Америка нави экилган пахта майдонлари ҳажми 173856 десятина, маҳаллий пахта навлари экилган пахта майдонлари эса 13242 деяртинани ташкил қилган [7. Б. 16].

Етиштирилган пахтанинг Америка нави пахта тозалаш заводларида қайта ишланган. 1896 йилда уларнинг сони Марғилон уездида 16 та, Қўқон уездида 14 та, Наманган уездида 24 та, Андижон уездида 15 та, вилоят бўйича жами 69 тани ташкил қилган [3. Б. 7]. Бу вақтга келиб, маҳаллий пахта нави деярли пахта тозалаш заводларига бормаган ҳамда у асосан аҳоли эҳтиёжлари учун қўлда қайта ишланган.

Агар қайта ишланмаган пахтанинг ўртача нархи 2 рубль 20 тийин деб олинса, мазкур йилда Фарғона вилояти ҳисобига пахтани етиштиришдан 13 миллион рублдан ортиқ маблағ келиб тушган [3. Б. 8]. Лекин ушбу маблағлар улкан машаққатлар эвазига келиб тушганлигини ҳам унутмаслик керак.

Қайта ишланмаган пахтадан тахминан 1/3 қисм тола олиниб, 1896 йилда 2 200 000 пуд тола ишлаб чиқарилган. Толанинг ўртача нархи 7 рубль 50 тийинга тўғри келиб, савдогарлар ва пахтани қайта ишлаш заводлари 2 000 000 рублдан ортиқ даромад қилганлар [3. Б. 8]. Бу эса ҳудудда пахта етиштириладиган экин майдонларининг кенгайиши ва пахта тозалаш заводларининг тезкор суръатларда кўпайишига катта туртки бўлади. Натижада пахтачилик қишлоқ хўжалигидаги етакчи соҳага айланиб борди. 1904 йилга келиб, сунъий суғориладиган экин майдонларининг ҳажми 186828 десятинага етиб, бу жами экин майдонларининг 31% ини ташкил қилар эди [7. Б. 17].

1897 йили пахта экилган майдонлар уездлар кесимида қуйидагича бўлган [4. Б. 11] (десятина)

	Америка	маҳаллий	Америка	маҳаллий
Марғилон	117809	4830	705000	193200
Қўқон	8724	7619	981000	350000
Андижон	32842	3505	1313680	105150
Наманган	18682	1069	1361675	51398
Ўш	560	173	12650	2680
Жами	72588	17196	4374005	702428

1899-1900 йилларда 8885900 пуд пахта қайта ишланди. Бунга сабаб 49 минг десятина ерга кўп экилди [5. Б. 148].

Пахтачилик ривожланиб бориши билан соҳани чуқурроқ ўрганиш ҳамда тизимни назоратга олиш нуқтаи-назаридан йирик фирмалар ишга жалб қилинган. Фарғона вилоятида чигит ҳам 5 навга бўлинган: 1) қора чигит; 2) малла чигит; 3) кўк чигит; 4) оқ чигит ва маҳаллий пахта чигити. Пахтани сотиб олиш ишлари билан эса 1899-1900 йилларда йирик фирмалар шуғулланди. Улар орасида Катта Ярославль Мануфактуралари биродарлик жамияти (Товарищество), Крафт жамияти, Москва савдо-саноат биродарлиги жамияти, Форс ва Ўрта Осиё савдо ва саноат биродарлиги жамияти, Владимир Алексеев жамияти, ака-ука Водяев ва Тогяевлар жамиятлари бор эди.

1900 йилга келиб, Фарғона вилояти пахта экиладиган муҳим ҳудудга айланиб, Туркистонда етиштирилаётган жами пахтанинг қарийб 80 фоизини бера бошлаган. Шу йили Фарғона вилоятида Америка пахтаси экилган майдони 174026 десятина етиштирилган 14160000 пуд 1 десятина 81 пудни ташкил қилган [6. Б. 32].

1900 йилги ҳисоботларда сўнгги 10 йилда етиштирилган пахта ҳақида маълумотлар келтирилган [6. Б. 115]:

	1891	1892	1893	1894	1895	1896	1897	1898	1899	1900
экилган	деся.									
Америка пахтаси	52979	72588	71208	67696	94895	115727	102648	95544	144444	174026
Маҳаллий	13315	17196	14092	14644	14806	12999	14153	10686	10839	12300
етиш. минг пуд.										

Америка пахтаси	3047	4374	4056	3494	4766	6018	5630	4520	8616	14160
Маҳаллий	474	702	620	545	687	590	361	467	421	714
завод.	40	46	61	61	63	69	88	90	93	93

1903 йилда қулай об-ҳаво шароитлари туфайли пахтадан юқори ҳосил олинди ҳамда бу ўз навбатида пахтачиликдан олинадиган даромадларни сезиларли равишда ортишига сабаб бўлди. Шу билан бирга, пахтанинг нархи ҳам йилдан-йилга ортиб бориб, 1903 йилда 1 пуд пахтанинг нархи 4 рубль 80 тийинга етади [7. Б. 18]. Натижада 1904 йилда пахта экиладиган ер майдонларининг ҳажми 1903 йилга нисбатан 24 фоизга ортишига олиб келган [7. Б. 18]. Вилоятда об-ҳавонинг ўзгариб туриши экинларга ҳам ўз таъсирини кўрсатмай қолмаган.

Жумладан, 1907 йил 8 июнда сел келиши оқибатида Наманган уездида 1400 дес. ерни ювиб кетган. Бундай ҳодисалар оқибатида аҳолига кўп зарар етганлигини кўриш мумкин.

Россияга пахта жўнатиш ҳам йилдан-йилга ортиб борган. Хусусан шу йилларда 5850000 пуд пахта толаси етиштирилган бўлиб, 5.617395 пуд толаси мустамлака ҳукумати кўрсатмасига мувофиқ жўнатилган. Жами пахта – 19984995 пуд бўлиб, 5850000 пуд. толадан 5847189 Америка навли пахтаси ташкил қилган [8. Б. 14].

Умуман олганда 1888–1913 йиллар мобайнида Фарғона вилояти бўйича Америка пахтаси экиладиган экин майдонлари 34.7 мингдан 274.9 минг десятинагача ўсиб боради [9. Б. 38]. Бу эса Фарғона вилояти бўйича бутун суғориладиган майдонларнинг 31 фоизига Америка пахтаси экилишига олиб келади.

Яна шунга ҳам эътибор бериш лозимки, бу пайтга келиб пахта экиладиган майдонларнинг салмоғи фақатгина Америка пахта нави эвазига эмас, балки ўлкада азалдан бери экиб келинаётган пахта навлари ҳисобига ҳам кўпайиб борди.

Пахтачиликнинг ривожланиши, пахтага дастлабки ишлов берувчи саноатнинг вужудга келиши бутун ўлкада бўлгани сингари Фарғона водийсида ҳам маҳаллий савдода пахта савдосининг аҳамиятини ошириб юборди. Таъкидлаш керакки, Фарғона водийсида пахта сотиб олишнинг, асосан уч тури қўлланилган: биринчидан, чигитдан тозаланган пахта сотиб олиш; бу йўл билан ўзларини ип йигириш фабрикаларига эга бўлган йирик фирмалар ёки ана шундай йирик фирмаларга хизмат қилувчи шахслар шуғулланганлар. Иккинчидан, тозаланган (чигитдан ажратилган) пахтани заводларда қайта ишлаш учун сотиб олиш, бу йўл билан ўз пахта тозалаш заводларига эга бўлган фирмалар ва ўзларига моддий жиҳатдан дуруст ҳисобланган шахслар, кўп ҳолларда эса ўз пахта тозалаш заводларига эга бўлган шахслар шуғулланганлар. Лекин бундай шахслар ўзлари томонидан тозаланган пахтани мустақил равишда халқаро бозорга жўнатмас эди, балки пахтани тозаланган ҳолда биринчи гуруҳ пахта сотиб олувчиларга қайтадан сотганлар. Ниҳоят, учинчидан, кенг миқёсдаги, катта пахта сотиб олувчилар бўлиб, улар қисман ўз маблағларига ва кўп ҳолларда давлатманд кишиларнинг ёки фирмаларнинг маблағларига пахта сотиб олганлар. Бундай кўп сонли тижоратчилар биринчи ва иккинчи гуруҳ пахта сотиб олувчилардан кейин савдо қилиб, улар асосан, жойларда майда ер эгаларидан фирмаларнинг буюртмаси асосида пахта сотиб олганлар [10. Б. 116].

Фарғона вилоятида пахтачиликни бундай тез суръатлар билан ривожланиши экиннинг сердаромадлигида эди. Бундан ташқари империя ҳукуматининг рус саноати манфаатларидан келиб чиқиб, пахта етиштириш борасида амалга оширган чора-тадбирлари ҳам муҳим аҳамиятга эга бўлди. Шу билан бирга, қишлоқ хўжалиги ерларига солинадиган солиқлар миқдорининг ортиб бориши ҳамда пахта экиладиган ерларга солиқ тўлашдаги имтиёзларнинг яратиб берилиши ҳам деҳқонларнинг пахта экишга эътибор қаратишга мажбур қилган омиллардан бири бўлди. Шунингдек, қишлоқ хўжалигининг бирёқлама пахтачилик ҳисобига ривожлантирилиши дон, озиқ-овқат ва ем-хашак нархларининг ортиб кетишига дон билан пахта нархлари нисбатининг бузилишига олиб келади. Бу эса Фарғона вилоятидаги аҳолининг катта қисмини ташкил қиладиган кам ерли ва ерсиз деҳқонларининг иқтисодий ҳолатига салбий таъсир кўрсатмасдан қолмади.

Фойдаланилган адабиётлар рўйхати:

1. Обзор Ферганской области за 1887 год – Новый Маргилан, 1889.
2. Обзор Ферганской области за 1890 г. – Новый Маргилан 1893.
3. Обзор Ферганской области за 1896 г. – Новый Маргилан: Типография Ферганского областного правления
4. Обзор Ферганской области за 1897 г. – Новый Маргилан, 1899
5. Обзор Ферганской области за 1899 г. – Новый Маргилан 1901.
6. Обзор Ферганской области за 1900 г. – Новый Маргилан 1901. 32–33 бет.
7. Обзор Ферганской области за 1904 г. – Новый Маргилан: Типография Ферганского областного правления, 1905.
8. Статистический обзор Ферганской области за 1910 г. – Скобелев 1912. 14-бет.
9. Раззоқов А. 1994. Ўзбекистон пахтачилиги тарихи (Ўтмиш ва ҳозир). – Тошкент: O'zbekiston, – Б.36.
10. Шарафиддинов А., 2018. Фарғона водийсида пахтачиликни ривожлантириш масалалари (XIX аср охири – XX аср бошлари) // XIX–XX аср бошларида Марказий Осиёда интеллектуал мерос: анъаналар ва инновациялар илмий тўплами. – Тошкент.